

Exorcizo vos pestiferos mures (*vel* locustas, *vel* vermes) per Deum Patrem omnipotentem ✕, et Jesum-Christum Filium ejus ✕, et Spiritum Sanctum ab utroque procedentem ✕, ut confestim recedatis à campis, et agris nostris, nec amplius in eis habitetis, sed ad ea loca transeatis, in quibus nemini nocere possitis; pro parte omnipotens Dei, et totius curiae cœlestis, et Ecclesiae sanctæ Dei vos maledicens, ut quocumque ieritis, sitis maledicti (*vel* maledictæ) deficientes de die in diem in vos ipsos (*vel* ipsas) et decrescentes, quatenus reliquæ de vobis nullo in loco inveniantur, nisi necessariae ad salutem, et usum humanum. Quod præstare dignetur, qui venturus est judicare vivos, et mortuos, et sæculum per ignem. ¶ Amen.

Postremo aqua benedicta aspergantur loca benedicta.

BENEDICTIO AQUÆ CONTRA MURES, LOCUSTAS, BRUCHOS, ET ALIA ANIMALIA NOCIVA QUÆ REPTANT SUPER TERRAM.

(Ex Rit. FF. Ord. B. V. M. de Monte Carm.).

- ¶. Adjutorium nostrum in nomine Domini.
- ¶. Qui fecit cœlum et terram.
- ¶. Domine, exaudi orationem meam.
- ¶. Et clamor meus ad te veniat.
- ¶. Dominus vobiscum. ¶. Et cum spiritu tuo.

OREMUS.

Bene ✕ dic, Domine, hanc creaturam aquæ, ut fugiant locustæ, mures, vermes, erucæ, ceteraque animalia ab hac domo, vel ab omnibus segetibus, olivetis, hortis, fructibus, vineis, et oleribus nostris,

super quibus aspersa fuerit per Nomen tuum sanctum, Deus Pater omnipotens, et Filii tui Domini nostri Jesu-Christi virtutem, et Sancti Spiritus bonitatem: quod quidem Nomen sanctum tuum involutum est super ipsam creaturam tuam segetum, vinearum, olivetorum, olerum, et fructuum, ut fiat salubre alimentum omnibus qui utuntur illis. Per eundem, etc. ¶ Amen.

Aspergatur aqua benedicta.

BENEDICTIO AGRORUM, UT AB EIS LOCUSTÆ, BRUCHI, ET ALIA ANIMALIA NOXIA EXPELLANTUR.

(Ex Rit. Vicen. Urg. et Gerund.).

Sacerdos indutus superpelliceo, et stola violacei coloris ibit ad agrum, sive locum, in quo benedictio est facienda, et ibi dicet :

- ¶. Adjutorium nostrum in nomine Domini.
- ¶. Qui fecit cœlum et terram.
- ¶. Domine, exaudi orationem meam.
- ¶. Et clamor meus ad te veniat.
- ¶. Dominus vobiscum. ¶. Et cum spiritu tuo.

OREMUS.

Preces nostras, quæsumus Domine, clementer exaudi; ut qui juste pro peccatis nostris affligimur, et hanc vermium, seu murium, aut locustarum, vel aliorum animalium calamitatem patimus, pro tui nominis gloria, ab ea misericorditer liberemur; ut per potentiam tuam expulsa, nulli noceant, et hos agros, vineas, aut aquas intacta dimittant, quatenus, quæ ex eis orta fue-

rint, tuæ Majestati deserviant et nostræ necessitati subveniant. Per Christum Dominum nostrum. **R.** Amen.

OREMUS.

Omnipotens sempiterne Deus, bonorum omnium auctor, et conservator, in cuius nomine omne genuflectitur, cœlestium, terrestrium et infernorum: concede, ut quod de tua misericordia confisi agimus, per tuam gratiam, efficacem consequamur effectum, quatenus hos vermes, mures, aves, locustas aut alia animalia nociva segregando segreges, exterminando extermimes, ut ab ista calamitate liberati, gratiarum actiones Majestati tuæ referamus. Per Christum Dominum nostrum. **R.** Amen.

OREMUS.

Deus, qui famulorum tuorum Moysi, et Aaronis ministerio, ab Ægyptiis, pro gloria Nominis tui locutas, bruchos, cinifes, aliasque plagas (scilicet justitiæ tuæ in peccatores flagella) avertisti, à filiis quoque Israel prohibuisti; à populo in te credente similes calamitates aufer, ut potentiam tuam, et beneficentiam prædicemus. Per Christum Dominum nostrum.

R. Amen.

OREMUS.

Largiri, et conservare fructus terræ dignare, Domine Deus noster, ut temporalibus gaudemus auxiliis, et proficiamus spiritualibus incrementis. Per Christum Dominum nostrum. **R.** Amen.

OREMUS.

Oramus te, Domine Deus noster, ut hos agros, aut vineas, serenis oculis, hilarique vultu respicere digneris, tuamque super eos mitte bene ✠ dictionem, ut non grando subripiat, non turbo subvertat, non vis tempestatis detruncet, non æstus exurat, non animalia noxia corrodant, neque inundatio pluviae exterminet; sed fructus incolumes, uberesque usui nostro ad plenam maturitatem perducas. Per Christum Dominum nostrum. **R.** Amen.

Benedictio Dei omnipotentis Pa ✠ tris, et Filii, et Spiritus Sancti descendat, et maneat super hos agros, aut vineas, et eorum fructus. **R.** Amen.

Aspergatur terra, seu locus aqua benedicta.

Si autem dicta animalia noxia grave damnum causarent, aut gravi numero augerentur, tunc fiet processio, et benedictio termini ut in die Sanctæ Crucis Maii, pag. 30, et sacerdos cum pervenerit ad locum designatum, aquam benedictam asperget super agros, dicens: Vidi aquam egredientem, vel Asperges me Domine, juxta diversitatem temporis, ut in Aspersione aquæ benedictæ, pagina 24, et postea canet sancta quatuor Evangelia, etc., ut supra in benedictione termini in die Sanctæ Crucis; quo peracto fiet benedictio.

BENEDICTIO ARMENTORUM EQUORUM, BOUM, OVIUM, ETC.

(Ex Col. P. Sannig.).

†. Adjutorium nostrum in nomine Domini.

R. Qui fecit cœlum et terram.

- ¶. Domine, exaudi orationem meam.
¶. Et clamor meus ad te veniat.
¶. Dominus vobiscum. ¶. Et cum spiritu tuo.

OREMUS.

Deus, Pater Domini nostri Jesu-Christi, cuius verbo cœli firmati sunt, cui omnis creatura deservit, omnis potestas subjecta est, cuius auditu nomine serpentes conquiescunt, dracones fugiunt, viperæ silent, scorpiones extinguntur, reguli vincuntur, phalangia nihil noxiū operantur, venenata non nocent, cunctaque noxia animalia licet ferocia terrerunt : ad auxilium nostrum te imploramus. Tu ab hoc armento omnes diaboli fraudes repelle, ferarum incursus amove, venena rescinde, illudque ab omnibus infirmitatibus, et periculis libera : dignare Domine per Nomen sanctissimum dulcissimi Filii tui, per intercessionem B. V. Mariæ Matris ejus, per merita S. Antonii, omniumque electorum tuorum, conservare hunc gregem ; expurgare ab omni adversariorum nequitia stabulum, salvificare pabulum, fœcunditatem ei tribuere, et tua efficacissima benedictione replere omnia, quæ usui hujus armanti adaptantur, et adaptanda erunt. Per eundem Dominum, etc.

✠ Sequentia sancti Evangelii secundum Lucam.

¶. Gloria tibi Domine.

In illo tempore : Pastores loquebantur ad invicem, dicentes : Transeamus usque Bethlehem, et videamus hoc Verbum, quod factum est, quod Dominus ostendit nobis ; et venerunt festinantes, et invenerunt Mariam, et Joseph, et infantem positum in præsepio. Videntes autem cognoverunt de Verbo, quod dictum erat illis de Puerō ; et omnes qui audierunt, mirati sunt de his, quæ dicta erant à pastoribus ad ipsos. Maria autem conservabat omnia verba hæc, conferens in corde suo. Et reversi sunt Pastores glorificantes, et laudantes Deum in omnibus, quæ audierant, et viderant, sicut dictum est ad illos. ¶. Laus tibi Christe.

¶. Dominus vobiscum. ¶. Et cum spiritu tuo.

OREMUS.

Domine Deus, Rex cœli et terræ, Verbum Patris, per quem omnia facta sustentationi nostræ tradita sunt. Qui, ut redimeres nos peccatores à fauibus inferni, et à potestate diaboli, carnem nostram sumere decrevisti, et per Spiritum Sanctum in utero B. V. Mariæ conceptus, in caula inter jumenta nasci non es deditnatus, et pannis involutus in præsepio reclinari voluisti, resipice, quæsumus, humilitatem nostram, et sicut nostris laboribus, atque necessitatibus per jumenta subvenientum tribuisti, ita tua benignissima miseratione, hæc armenta custodire, et tueri non recuses, nobisque famulis tuis et cum temporali proventu tuam immarcescibilem gratiam conferre. Qui vivis, et regnas, etc.

Aspergantur aqua benedicta.

BENEDICTIO COLUMBARIORUM, PULLARIORUM, ET EJUSMODI
LOCORUM, IN QUIBUS CONSERVANTUR AVES.

(Ex Col. P. Sannig).

¶. Adjutorium nostrum in nomine Domini.

- ¶. Qui fecit cœlum et terram.
 ¶. Domine, exaudi orationem meam.
 ¶. Et clamor meus ad te veniat.
 ¶. Dominus vobiscum.
 ¶. Et cum spiritu tuo.

OREMUS.

Deus aëterne, ante cujus conspectum assistunt Angeli, et cujus nutu reguntur universa, qui etiam necessariis humanæ fragilitati, tua pietate consulere non desinis, te humiliter imploramus, ut habitaculum istud illa bene ☩ dictione perfundas, qua per Angelum stantem in sole mandasti omnibus avibus dicens: Venite, et congregamini ad cœnam magnam Dei; ut semper hic tuae bene ☩ dictionis copia redundantes, laudes tibi referant servi tui; qui das escam omni carni, et imples omne animal benedictione, Salvator noster. Qui vivis, et regnas, etc.

OREMUS.

Deus universæ creaturæ, qui inter ceteras diversarum creaturarum species, et pro humani generis usu, etiam volatilium genus producere dignatus es, ex quibus Noe de Arca egrediens, holocausta tibi offerens placuit, et qui populo tuo ex Ægypto educto per Moysem servum tuum munda ab immundis segregans, edendi præceptum dedisti, te suppliciter rogamus, ut has mundarum avium carnes bene ☩ dicere, et sanctificare digneris, ut quicunque ex eis comederint, benedictionis tuæ abundantia repleantur, et ad æternæ gaudia pervenire mereantur. Per Christum Dominum nostrum. ¶. Amen.

vitæ gaudia pervenire mereantur. Per Christum Dominum nostrum. ¶. Amen.

Aspergantur aqua benedicta.

BENEDICTIO AVIUM.

(Ex Col. P. Sannig).

- ¶. Adjutorium nostrum in nomine Domini.
 ¶. Qui fecit cœlum et terram.
 ¶. Domine, exaudi orationem meam.
 ¶. Et clamor meus ad te veniat.
 ¶. Dominus vobiscum. ¶. Et cum spiritu tuo.

OREMUS.

Deus universæ creaturæ, qui inter ceteras diversarum creaturarum species, et pro humani generis usu, etiam volatilium genus producere dignatus es, ex quibus Noe de Arca egrediens, holocausta tibi offerens placuit, et qui populo tuo ex Ægypto educto per Moysem servum tuum munda ab immundis segregans, edendi præceptum dedisti, te suppliciter rogamus, ut has mundarum avium carnes bene ☩ dicere, et sanctificare digneris, ut quicunque ex eis comederint, benedictionis tuæ abundantia repleantur, et ad æternæ vita gaudia pervenire mereantur. Per Christum Dominum nostrum. ¶. Amen.

Aspergantur aqua benedicta.

BENEDICTIO PISCINÆ ET PISCIVM.

(Ex Col. P. Sannig).

- ¶. Adjutorium nostrum in nomine Domini.

- ¶. Qui fecit cœlum et terram.
 ¶. Domine, exaudi orationem meam.
 ¶. Et clamor meus ad te veniat.
 ¶. Dominus vobiscum. ¶. Et cum spiritu tuo.

OREMUS.

Omnipotens æterne Deus, Pater Domini nostri Iesu Christi; Pater misericordiarum, qui pisces in fluminibus maris crescere, et multiplicare dignatus es; præsta quæsumus, ut hos parvos pisciculos in istam piscinam impositos crescere, et multiplicare tua gratia digneris. Per Dominum nostrum, etc.

Crescite, et multiplicamini vos parvi pisciculi, et replete istam piscinam in nomine Patris **X**, et Filii et Spiritus Sancti. Dominus det vobis suam benedictionem. Amen.

OREMUS.

Deus omnipotens, qui hanc creaturam piscium ex aquarum fluctibus in mundi principio prodire jussisti, quam inter ceteras creaturas tuo ore benedicto dignatus es benedicere, et de qua, post assumptam humani generis formam, Unigenitus Filius tuus coram discipulis suis assa igni comedere voluit, ad insinuandum nobis suæ Passionis cruciatus, bene **X** dic etiam hos cibos piscium, et præsta nobis, ut, qui de Passione Domini nostri Jesu-Christi, et ardore tribulationis sumus excociti, de ineffabili ejus resurrectione refrigerati, Pane celesti lætemur. Per eundem Dominum nostrum, etc.

Aspergatur aqua benedicta.

TITULUS III.

DE BENEDICTIONIBUS AGRORUM, VINEARUM, ARBORUM ET SEMINUM.

Benedictiones contentæ in hoc tertio titulo fieri possunt à quocumque simplici Sacerdote.

BENEDICTIO AGRORUM, VINEARUM, ET ARBORUM CUM NOVIS FRUCTIBUS.

(Ex Manuali seu Rit. Ord. S. Francisci).

- ¶. Adjutorium nostrum in nomine Domini.
 ¶. Qui fecit cœlum et terram.
 ¶. Domine, exaudi orationem meam.
 ¶. Et clamor meus ad te veniat.
 ¶. Dominus vobiscum.
 ¶. Et cum spiritu tuo.

OREMUS.

Pietatem tuam, omnipotens Deus, humiliter exoramus, ut has primitias creaturæ tuæ quas aeris et pluviae temperamento nutrire dignatus es, bene **X** dictionis tuæ rore perfundas, et fructus terræ usque ad maturitatem perducas, tribuas quoque populo tuo de tuis muneribus tibi semper gratias agere: ut fertilitate terræ esurientium animas bonis affluentibus repleas, et egenus, et pauper laudent nomen tuum. Per Christum Dominum nostrum. ¶. Amen.